

THESIS III.
HISTORICO-
THEOLOGICA

Dissertationum nuperarum auctorem à puncto
controversiæ aberrantem in viam benignis-
simè reducens.

QUAM PRÆSIDE

EXIMIO VIRO DOMINO AC MAGISTRO NOSTRO

JOANNE LIBERTO HENNEBEL

SACRÆ THEOLOGIÆ DOCTORE,

DEFENDET

PHILIPPUS DANNEAU Athenis.

In Collegio Baii die 6. Julii anno 1684.



L O V A N I I,

Typis GUILIELMI STRYCKWANT sub aurea Lampade;

THE
HISTORICAL
THEOLOGY

OF THE
CHRISTIAN CHURCH

FROM THE
FIFTH CENTURY TO THE PRESENT

BY
JOHN CALVIN

OF THE
UNIVERSITY OF GENÈVE

TRANSLATED
BY

JOHN CALVIN

OF THE
UNIVERSITY OF GENÈVE

WITH
A PREFACE BY

JOHN CALVIN

OF THE
UNIVERSITY OF GENÈVE

AND
A POSTSCRIPT BY

JOHN CALVIN

OF THE
UNIVERSITY OF GENÈVE

AND
A PREFACE BY

JOHN CALVIN

OF THE
UNIVERSITY OF GENÈVE

AND
A POSTSCRIPT BY

JOHN CALVIN

OF THE
UNIVERSITY OF GENÈVE

Cur benignius deinceps tractandus Adversarius?



Emperandus est stylus, leniendus Adversarii animus, ne ita totus in querelas, totus effundatur in invectivas, ut controversiæ sibi moræ memoriam excitata in me bilis vel omnino sustulisse, vel certè turbasse videatur. Pro Ruardo aliisque Majoribus nostris scribit Apologias, quasi indigerent illi ejusmodi vindice. Dissimulandum non erat, nihil à nobis de Driedone, Rnardo, Stapletono dictum fuisse, nisi post præcipuos Thomistas, Petrum Soto, Estium, Lemos, Sylvium; & vel sic quoque nos manifestè probasse Thomistarum hac in causa cum Lovanienti Schola concordiam. Cum Thesi primæ Histor. inseruissem aliquid de Driedone & Ruardo, ad priores Collegæ nostri me Theses remisit, neque tunc alio me responso dignatus est. Nescio cur illorum vindictis hanc potius appendicem implevit, nisi quia sibi id credidit facilius, quam assignare discrimen inter Thomisticæ & Lovanientis scholæ doctrinam de gratia per se efficaci homini lapsò necessaria. Novas proponit ac suscitât quæstiones, qui vix leviter principalem sibi moram hæctenus attingit. Si illam evacuaverit, novum circà alias licebit inire certamen. Quam sit indignum ab una ad aliam transilire controversiam, ac operosissimas quæstiones tam desultoriè tractare, quis non intelligit? Si ad illam terminandam se minus sentiebat idoneum, inchoare non debnit, quod prosequi non potest, ne eruditi illuderent ei dicentes; hic homo cœpit disputare, & non potest consummare. Malè eum habet, quod acquisitis undique Episcoporum & florentissimarum Academicarum Censuris doctrinam hujus Facultatis roboraverim ac confirmaverim. Theses ejus sæpius repetitis abundant querelis, quasi querelis ejusmodi illarum enervarentur auctoritas. Sedis Apostolicæ jura asserit violari, fulmina perpetuò minantur & anathemata, Lemures Jansenianos & Baianos evocat; ne temerè dixisse videret Thes. 1. §. 2. quod penè Ariolum esse oporteat enim, qui è damnatis Propositionibus sensus tam parergos elicit; v. gr. ex hac, *interiori gratia in statu naturæ lapsæ nunquam resistitur*, contrà Auctorum torrentem, contrà ipsum verborum tenorem conficere potest, prædeterminationem physicam ad statum naturæ integræ esse extendendam. Exulceravit quoque viri animum, quod vulpem captam, quod Herculem eum dixerim; & quanquam nihil perinde affectet, quam contra duos pugnare, Collegæque nostro exprobrat, quod arma abjecerit (experietur fortè brevi an ita sit) me tamen solum Herculeæ illius fortitudinis non vult habere præconem. Cedam viro, quem delinire cupio; hæcque omnia, cum ita velit, deinceps tacebo. Querimoniarum argumentum (quamquam forte de dictisque invectivisque expositulare possem justissimè) non ingrediar, ne & ego ita quicquid talibus Thesim meam repleam, ut dum nomini meo Apologiam scribo, punctum difficultatis, quam tractandam suscepi, præteream. Omnia illi remitto, omnia peramante ignosco: quin & si retractationem scribi voluerit non ferens, quod Vulpem, quod Herculem eum dixerim, facile confitebor tam in Thesi prima quam ultima nihil Vulpè, nihil Hercule dignum fuisse, & ab ejusmodi nominibus constanter deinceps abstinerebo. Ita spero devincire virum, ut placidè mecum disceptare pergat, in quo præcisè situm sit discrimen Lovanientes inter & Thomistas circa gratiam homini lapsò necessariam. Hæc enim Theses meæ primæ, quam impugnare voluit, summa est, hic quæstionis cardo. Hoc inquirere studiosissimè debent Adversarii, ne doctrinam, quam ab omni censura immunem esse ju-

bet Sedes Apostolica, graviore ipsi Censura non satis intellectam perstringant. Fatebuntur Thomistæ omnes quod eandem, quam ipsi, divinæ gratiæ vim tribuamus & energiam in statu naturæ lapsæ; quod propositiones quinque damnatas eodem planè modo sensuque damnemus; ridebunt secundæ propositionis Censuram allegari, ut ad statum naturæ integræ eadem gratia extendatör. Viderint proindè Molinistæ, cur ad absolvendos Lovanienses adedò sint præ Thomistis rigidi, qui solent aliàs sequentibus sententiam probabilem tam benignè absolutionem Sacramentalem impendere.

§. 2.

An sit nefas Facultatis hujus Doctrinam Academicarum florentissimarum Censuris confirmare?

Facultatum Theologicarum Censuris pullulantes in variis Provinciis errores evelli, & periculosa dogmata profigari neque novum est, neque Ecclesiæ sæpius fuit inutile. Contra Lutherum Colonienfes & Lovanienses Sedes Apostolicæ prævenere iudicium, quorum censuras Lutherus Sarcasmis, Leo X. summis excepit elogiis, eas commendans tanquam veras, doctas & sanctas. Nescio an dissertationum nuperarum Auctor eis non exprobrasset, quod involarent in jus Pontificium; sed ejus conatus risisset Leo X. juris sui peritior, qui Facultates illas laudat tanquam agri Dominici piissimas religiosissimasque cultrices. Nihil illæ tentarunt, nisi exemplo florentissimarum orbis Academicarum, Parisiensis, Oxomensis, Pragensis, &c. quarum Censuras contrà Joannem Hufz, Joannem Wicleffum, Calvinum, Lutherum aliosque & Constantiense Concilium & Romani Pontifices probaverunt. Auctor interim, quem oppugnamus, sic in refellendâ Censurâ Lovaniensi anni 1587. editâ versatur, ut in hac una omnes quoque omnium Facultatum Censuras labefaceret atque convellat, ipsum Antonium Ricardum, in limine disputationis suæ Theologicæ de libero arbitrio, passurus Adversarium. Scribit hic Apologiam pro Censura Parisiensi (de cujus veritate disputare non est hujus loci) sic proposito nostro congruentem, ut si Parisiensem illam rectè vindicaverit, Lovaniensem quoque absolverit. Si, eâ perlectâ, dicere perrexerit Adversarius noster, quod in jus Pontificium Lovanienses quidem involaverint, sed non Parisienses, in Lovaniensium oculo festucam, in oculo Collegæ sui trabem non vidisse facillè convincetur. Novum hoc argumenti genus est, quod nobis opponitur. Caverunt Lessius & Hamelins, ne quid unquam ejusmodi tentarent. Ma-luerunt per se & suos sollicitare Academias Moguntinam & Trevirenses, ut Censuras Censuris opponerent; quod & tandem obtinuerunt, rei patiter violati juris Pontificii, si Censuras ejusmodi edere nefas est. Illud sane non facillè tolerasset Apostolicus Nuntius, qui Censuras illas Lovaniensibus communicavit, cum justificationem Censuræ Lovaniensis à Facultate recepit.

Illud quidem non ignoramus, quod si vel canonicè obstitisset ne ederentur, vel jam editas sic damnasset Sedes Apostolica, illi omninò obtemperandum fuisset, verum si causam tantùm ad se evocet, contra editas Censuras nihil statuatur, contentam in illis doctrinam non reprobet, sed tantisper à censuris temperari decernat, donec ipsa sententiam tolerit, nemo tam iniquus est, qui inde conficiat Censuras illas deinceps allegari non posse, dummodo omnibus notum sit quod doctrinam urgere velimus, non Censuram. Reus aliàs erit ipse Lessius nec sibi conciliari poterit, qui cum in præfatione disputationis suæ Apologeticæ de gratia efficaci testatus esset, quod nihil damnare, nihil graviore Censura vellet perstringere, nisi quod Sedes Apostolica damnat & perstringit, liberrimè tamen sibi credidit doctrinam, quam oppugnabat, non tantùm dicere incertam, verum etiam à quam pluri-

mis Doctoribus in variis orbis Academiis valde improbatam, à quibusdam etiam (nempe Trevisenſibus & Moguntinis) graviter cenſitam. Non dubitavit ergo ille, quin poſt edita Calatini aliorumque Decrèta Cenſuræ illæ produci, illiſque ſuam quiſque doctrinam probare ac roborare poſſet, quandiu Sedis Apoſtolicæ non obſtabat auctoritas; multò minùs eas juri Pontificio adverſari criminatus eſt. Non ignorabat nihil tam gratum Apoſtolicæ Sedi accidere poſſe, quàm diſperſas per orbem Academiis certatim omnes protruenda Catholicæ Religionis veritate ac puritate ſtudere, ſi modo eà, quæ par eſt, reverentiâ Petri Cathedræ obſequantur, & omnes labores ſudoreſque ſuos eò unicè dirigant, ut diſpoſitionibus accuratiſſimis ad eam maturitatem controverſiæ perveniant, ut primæ Sedis examini ſiſti mereantur. Quod ſi aliquando ipſa per ſe rem malit ob ovo tractare, nec aliorum operam deſideret, iniquum eſt tam pie ejus ſollicitudini refragari. Utrumque præſtitit Facultas Theologica Lovaniënſis. Leſſii cenſuravit articulos, dum Sedis Apoſtolicæ Decrèta non obſtabant; ab omni Cenſura abſtinuit, dum ad ſe controverſiam Sedes Apoſtolica vocavit. Dedecus ergo noſtrum non fuit Leſſii cenſuraſſe articulos, ſed laus maxima poſt promulgatum Apoſtolice auctoritate Calatini Decretum ab omnibus inveſtigiſ & aſperioribus verbis temperaſſe. Eandem meruiſſet Leſſius, ſi pari moderatione uſus fuiſſet; verùm cum præſationi Apologiæ ſuæ inferere auſus fuerit, *doctrinam de prædeſtinationis gratuita ad eò Auguſtini non eſſe, ut Calvinus ſit potius; qui falſo eam Auguſtino imponat*, limites omnes non tam exceſſit, quàm effregit, & moderationis debitæ palmam hæc illi Facultas præripuit.

Tantum hic modo cavendum eſt, ne quidam verborum inſidiantes apicibus Cenſuræ nomen in invidiam trahant; quod in ipſa juſtificationis Cenſuræ præſatione ſic noſtri expoſuere Majores, ut nec ipſe Zoilus reperire poſſit, quod mordeat. *Cenſura nomen illi dedimus, inquit illi, non quaſi damnationis auctoritatem nobis ſumentes, quam ſacrosancta Apoſtolica Sedi propriam eſſe non ignoramus, ſed ſcholaſticum tantum judicium, ſententiàmque noſtram dicentes, aut ut verius dicamus, non aliud quàm fraternam correptionem interponentes.* Ex eandem patet præſatione, quâ animi reverentiâ eam Apoſtolicæ Sedi ſubmiſerint. Et ne leviter tam ſolemniſis humiliſque obſervantiæ profeſſio excidiſſe videretur, eam repetunt in peroratione hiſ verbis: *Conſuram ſcholaſticumque judicium noſtrum, quâ decet veneratione, ſacrosancta Sedi Apoſtolica judicio Cenſuraque libenter ſubmittimus extremum ejus deſinitamque ſententiàm gratiſſimè promiſſiſque mentibus accepturi, in quam ut intendere aliquando dignetur, etiam atque etiam rogamus.* Non ſunt hæc ſenſa Doctorum Pontificia jura turbare vel mutilare volentium; ſed quot verba, tot ſunt argumenta, quibus ſua Facultatibus Theologicis Cenſuras ejusmodi edendi vindicatur auctoritas. Fallor ſi non pudebit Auctorem, quem impugnamus, nobis fuiſſe minatum excommunicatione lætæ ſententiæ non aliam ob cauſam, quàm quia illas citavimus ac propugnavimus. Quam libenter nos à citandis illis deterruiſſet, ac inſiſto ſibi ab illis vulnere cicatricem optaſſet obduci! neque tamen ſatis hæcenus aſſequor, quâ viâ voti ſui compos efficitur. Forè nobis improperare perget; *cur ſares Sorbonam ſapius ſollicitatam non voluiſſe unquam in partes voſtras deſcendere?* Quasi non ſufficeret, quod in eas deſcendiſſent omnes Belgii Episcopos, utraque Facultas Theologica, omnes Religioſi Ordines, acceſſiſſe quoque poſtea Hiſpaniæ Episcopos, Inquiſitionem generalem Hiſpaniæ, Univerſitatem Salmanticensẽ. Cur potius è Gallia, quam ex Hiſpania quaerit ſubſidia? Quamquam nec ipſa, quam implorat, Sorbona ei multum faveat. Aliud eſt Sorbonam non edidiſſe ſolemne Cenſuram, qualem ediderunt Lovaniënſes & Duacenſes, aliud Leſſii vel Molinæ dogmata probaviſſe. Teſtatur Lemos quod Univerſitas Pariſienſis non ſemel divina voluntate officacem prædeſtinationem retinuit, & illam impugnantes ſicut libertatis noſtra impediendam compeſcenis. Alibi quoque gratiæ phyſicæ prædeterminantis aſſertores recensens ita ſcribit: *Florentiſſima Academia pari conſenſu hanc prævenientis gratiæ divinam effi-*

raciam tradiderunt, ut antiquissima & Doctissima illa Lovaniensis, Eruditissima Duacensis, Sapientissima Parisiensis, & Insignis Salmanticensis. Credibile ergo est, quod à Belgii Episcopis sollicitata Sorbona novam Lessii articulis non inussit notam, quia rem actam agere noluit, sed vetera scholæ suæ Decreta conquirere, illisque significare contenta fuit. Doctrinam, quam impugnabat hæc Facultas, Lutetiæ fuisse explosam sub finem justificationis Censuræ testatur nostri Majores. Nihil ergo huic causæ obfuit, quod Lovaniensi vel Duacensi Censuram similem Sorbona non edidit, si doctrinam illam explodere maluit, quam Censurâ tam operosâ dignari. Parum quoque ad nos pertinet, quod de Censura illa dixisse Leydeckerum Calvinistam testatur Adversarius. Illud cum propius videtur attingere, quod scribit Mariana lib. 3. de mortalitate cap. 8. *Qua à Cassiano dicta sunt de gratia & libero arbitrio à Viris Eruditis nostrâ ætate defenduntur, quasi pietati consona, neque deflexa à fidei regula sancta. Bene consultum esset Triadi Patrum Augustino, Fulgentio & Prospero, si perinde Catholici haberentur, ac Cassianus, Faustus, aliique Massilienses.* Leydeckerò Calvinistæ fidem abrogavit Adversarius, dum à rectâ illum fide dixit alienum. Plus aliquid ipse debet Marianæ fide, religione, & instituto sibi conjunctiori. *Sringe ergo calamum (in Marianam: verbis tuis utor Pater Reverende) ostende hominem errasse turpissimè.*

De Isaacio Haberto (cujus auctoritatem sæpius Censuræ Lovaniensi opposuit) hoc unum quero, sitne ille, qui cum Cornelio Jansenio probavit opuscula D. Ghibæuf Doctoris Sorbonici de libertate? Si hanc nobis quæstionem expedierit, lepidam ei conclinnabimus historiam de varia Haberti fortuna.

§. 3.

An Episcopi Belgii in jus Pontificium involassent, si Lessii doctrinam damnassent?

Methodum remittendi ac retinendi peccata ab Inquisitione Romanâ absolutam reprobavit Toletana Romani, ut omnino credimus, ignara judicii. Mox per universum Belgium spargitur, commendatur, ac miris modis obtruditur hæc Censura. Si verò nos vel mutiamus, quid contrâ Molinam generalis Inquisitio Hispaniæ, Episcopi doctrinâ & Religione præstantissimi, Insignis Academia Salmanticensis vel egerint vel agere intenderint, citissimè conclamar, jus Pontificium violari, fulmina nobis imminere & Anathemata. Mirum est Inquisitioni Toletanæ licuisse in Methodum Romæ absolutam, quod neque Inquisitioni generali Hispaniæ, neque Episcopis, neque Salmanticensi licuit in Molinam, de quo suum hæcenus judicium suspendere Roma maluit quàm proferre. Quod si vel Inquisitioni vel Episcopis Hispaniæ hæc licuisse concedas, negare non poteris, quin Mechliniensis & Cameracenſis Metropolitæ jure suo uti voluerint, dum Synodum parârunt Episcoporum, qui Lessii dogmata à duabus Facultatibus damnata discuterent, eademque toto Belgio proscriberent.

Nihil interim hæc movent Auctorem quem impugnamus. Verbo omnia disuit, ab injustis Censoribus (sic Lovaniensis vocat) Episcopos fuisse seductos asserit, quos laudat (nè potius ridere dixeris) tanquam Sapientiores, quam ut censurando involarent in jus Pontificium. Omnes Episcopos, utramque Facultatem, omnes Religiosos Ordines Baianos facit. Dolendum planè solos tunc ferè Jesuitas per Belgium Sedi Apostolicæ sincerè favisse; cæteros enim Baius in partes suas traxerat, ut olim Arius, Nestorius, Pelagius, Lutherus, Calvinus, &c. si fides est illi Auctori.

Gaudeo sanè, quod nulli hæcenus Thesi verba Lemos inferuerim, quibus testatur scientiam mediam Romæ per aliquot annos semel, iterum, atque tertio diligentissimè examinatam à Doctissimis Episcopis & Doctoribus ad id à Sanctissimo consignatis semper fuisse condemnatam. Et infra: *Post longissimas, gravissimas & assidue disputationes in præsentia sua Sanctissimæ*

Arianis habitas..... post assiduam assistentium consultationem, aliisque innumera, qua Sanctissimus inspicere & considerari præcepit, adhibens in hoc negotio non solum ordinariam, sed extraordinariam diligentiam & Pontifici ipsi Summo Clementi VIII. & omnibus assistentibus, uno solo dampno, summopere displicuit (scientia media) ita ut scientiam appellaret Clement VIII. cum in hac causa esset doctissimus factus: humanum inventum ad accomodandum in apparentia omnia. Nescio an Auctor ille, qui Baium Ario Pelagioque comparare coeperat, abruptisset comparationis suæ filum; neque enim illi materia decrat; cum constet Arianismum ex Oriente aliquando in Hispaniam transivisse, ac ipsum tandem Pontificem Liberium ab Hilario, Hieronymo aliisque pluribus de Ariana communione fuisse notatum. Cælestius quoque Pelagianus Zozymum Papam primitus decepit, & acerrimas ab eo litteras ad Africanos Episcopos extorsit. Quàm bellè congruebant hæc omnia scopo Auctoris nostri? Dicere enim poterat pari ratione, quod Baianismus è Belgio in Hispaniam, ex Hispania Romam transisset, neque magis mirandum esse, quod illi faverit Clemens VIII. quàm quod Ario Liberius, Cælestio Zozymus propitius fuerit. Sic post integrum sæculum notantur viri, quos nullus hæctenus rumor sinister adspersit. Temperasset calamo suo Auctor ille, si expendisset propius, in quos tandem relaberetur tam atrox accusatio.

Et ne egrediamur Belgio nostro, Baii potius privatis commodis, quam Sedis Apostolicæ Decretis studuisse notatur Lindanus Ruræmوندensis, ac paulò post Gandensis Episcopus, non tantum omnis generis litterarum eruditione clarissimus, teste Cardinale Baronio in notationibus ad Martyrologium Romanum 23. Septembris, *verum etiam egregii Confessoris fidei nobilitatem insignibus: quippè qui exilia, proscriptiones, arumnae incredibiles, ac mortis sæpe frequentes inconcusso robore fidei causâ sustinuit. Dignus is planè fuit, qui Episcoporum hac in causa promovenda esset Coriphæus, quem ipse Pius IV. tanti antè triginta fere annos fecerat, ut illius iussu invitatus fuerit, & viaticum acceperit, ut tanquam Mantuanus Theologus Tridentino interesset, teste Cardinale Pallavicino. Accusatur quoque Joannes Vendevillius Tornacensis tunc Episcopus, Catholicæ fidei Propugnator strenuus, qui pro fidei negotiis terriò Sedem Apostolicam accessit (tantùm abest Baianismus eum fuisse impenitens) ac tandem non sine Sanctitatis opinione obiit, ut fasti nostri Academici testantur. Nihil opus est addere de Matthæo Moulart Ord. S. Benedicti, Episcopo Attrebatensi, Francisco Walon-capelle Ord. Minorum Episcopo Namurcensi, aliisque dignissimis Prætulibus, quorum perpetua inter hæresum furias certamina fidem Catholicam nobis illibatam conservaverunt.*

Quis fuerit Estius Author Censuræ Duacensis, ejus scripta testantur. Quis fuerit Gravius Author Censuræ Lovaniensis, quàm Sixto V. quàm Gregorio XIV. gratus declaratur Romæ (quo ob præclaras dotes fuerat evocatus) scriptum ipsi à Cardinale Baronio epitaphium, declarant ejusdem aliorumque Cardinalium ac Præfulum ad hanc Universitatem litteræ. Placuisse imprimis doctrinam ejus de gratiâ testatur Janssonii in illius mortem oratio funebris, in qua dicitur; Gravius in aliquot Comitiis de gratiâ aliisque temporis illius controversiis tale disputando dedisse specimen, ut cunctis admirationi esse cæperit & venerationi. Plura ibidem reperies, quæ in illum quadrare non possunt, qui Collegæ privatum honorem debitæ Apostolicis Decretis reverentiæ ac venerationi præferret.

Quis fuerit Lensæus justificationis Censuræ parens, quantus Hæreticorum Malleus, Romanæque vindex Ecclesiæ, me tacente, scripta ejus loquuntur. Quam valide Baio variis in materiis refutiter plures, qui Censuræ subscripserunt, non ignorant qui acta nostra legerunt, ut certum esse debeat non cæco aded impetu in opinioniones Baii ceteros abiisse.

Multò minùs præsumi hæc possunt de tantis Episcopis in illis temporum locorumque circumstantiis, quibus insidiantes undique Vicini Hæretici extraordinariam ac penè divinam circumspectionem cautelamque ab iis postulabant. Tum cavendum erat vel maxime nè qui

novitatem suam hæreticis perpetuò exprobrabant, ipsi novitatibus indulgerent, & à tritici majorum veterumque vestigiis declinarent non aliam ob causam, quam ut hominis privati honori has qualescumque vindicias immolarent.

Sed quorquor talia sentiant plenissimè confundit Instructio brevis Gallica à Francisco Richardoto Atrebatensi Episcopo in usum Provinciæ Cameracensis edita anno 1567. (id est, antequam Philosophiæ Lessius daret operam, vel in Collegio Societatis Lovanii instituta foret Lectio Theologica) commendata Pastoribus in Synodo Andomariensi anno 1583. Verba Gallica accipe ex cap. 13. ne truncasse aliquid videar vel mutasse.

La predestination des Sainctz, qui s'appelle autrement election de Dieu, n'est autre chose, qu'un ferme & franq propos de Dieu, eternellement conçu, par lequel il veut les esleux estre saulvez, & leur presenter les moyens pour y parvenir, le tout gratuitement provenant de son bon plaisir. En quoy nous pouvons remercher deux causes, l'une effective & motive, l'autre finale & consecutive. Je dis la cause effective, comme quy demanderoit, qui a été cause, où quy a men la sapience divine de predestiner & choisir S. Paul, S. Pierre, & les autres. Lors faut il répondre, qu'à la seule bonté & volonté de Dieu se doibt attribuer cette eternelle election. Ce que se peut clairement monstrer par le discours de S. Paul en l'Epistre aux Romains où il dit : Quo ce n'est pas de qui veut, où de qui court, que ce bien nous est fait, mais de Dieu seul pyroiable & misericordieux. Ce que parvilement, en l'Epistre aux Ephes & à Timothée première se peut clairement voir ; par où l'Apostre dit appertement, que la predestination & election des Sainctz precede naysvement du seul & bon plaisir de Dieu, qui a pensé & deliberé sur nostre salut devant la constitution du monde..... Telle est la vray, sincere, & Catholique doctrine touchant la predestination. Si Archiepiscopus Cameracensis dignissimum hunc Episcopum censuit, qui hanc doctrinæ Catholicæ epitomen pro universa Provincia Cameracensis componeret, si ipse Episcopus illius Auctor doctrinam in illa traditam securam faciliemque esse in ipso libri titulo asseruit, si expressè cap. 13. assertionem nostram de prædestinatione gratuita clarissimam & apertissimam dixit esse Apostoli sententiam, imo esse veram, synceram, & Catholicam doctrinam, mirum videri non debet oppositam Lessii opinionem anno 1587. tantopere & Episcopos & Facultates Belgii offensivè.

Ex eadem Richardoti instructione illud quoque confirmatur, quod in oratione famosa sæpius memorata scripsit Guilielmus Estius, nempe Facultatem Theologicam Duacensem ab initio docuisse prædestinationem in statu naturæ lapsæ omnino gratuitam: Nam, teste Myræo in elogiis Belgicis, Franciscus ille Richardotus Academiam Duacenam à Philippo II. Hispaniarum Rege recens excitatam sælicibus auspiciis, habitâ & mox editâ oratione, dedicavit, primisque in ea Theologiam publicè interpretatus est.

Si ab ipsis Academiæ Duacensæ incunabilis tam certa tam recepta fuerit in his Provinciis illa de prædestinatione gratuita assertio, perspicuum est quam falsò dicatur, quod in gratiam Michaelis Baii Mechliniensis & Cameracensis Metropolitæ Synodum paraverint Episcoporum, ut doctrinam illi contrariam affinesque articulos alios è Belgio proscriberent. Si dicere perrexerit Adversarius sic mutilari jura Sedis Apostolicæ, in jus Pontificium involari, pergemus & nos praxim superiorum illi opponere sæculorum, quibus certum est fuisse familiarissimum succrescentes vel grassantes errores in Conciliis Provincialibus convellere. Testatur Augustinus, quod omnes ferè hæreses, ubi extiterunt, ibi improbari damnarique meruerunt. Sic in Milevitano & Carthaginensi, illo præcipuè agente & dirigente, Pelagius Cælestiusque damnati sunt. Si & illa involasse dixerit Adversarius in jus Pontificium, ab ipso Pontifice Innocentio I. reprimetur, qui illa præcipuè commendavit, quod post Episcopale judicium Apostolicæ Sedi tantâ reverentiâ acta sua omnia retulissent. Acta sua ad Apostolicam Sedem referre pari reverentiâ propositum fuisse Belgii Episcopis editi à Lindano libri palam faciunt. Ergo certissimum est violati juris Pontificii reos esse

non potuisse Belgii Episcopos, si Africani in pari causa, ipso teste Romano Pontifice, fuerunt insontes.

§. 4.

An hac in causa per latus nostrum accusentur Thomistae praecipui ab ipsis quoque Adversariis aliquando laudati, & usque hodie superstites?

Mtrum est Adversarium nostrum, qui non ignorat Thomistas prae Molinistis doctrinæ & autoritate valere ut se vindicent, sic accusare Lovanienses, ut eidem causæ semper Thomistas involvat. Si verbis viri credimus, nihil illo est in Thomistas humanius: Si rem ipsam spectemus, nihil est in Thomistas acerbius. Non minus in illos, quam Lovanienses fulmina sua vibrat & anathemata. Adeo Thomistica gemella est Lovaniensis doctrina de gratia hominis lapsi, ipsis quoque Thomistis fatentibus, ut nihil nostram ferire possit, quin Thomisticam quoque pari vulnere lædat.

Accusat nos ille, quod Censuram Lovaniensem, Duacensem, Parisiensem, Salmanticensem, judicia Episcoporum Hispaniæ & Belgii citavimus. In excommunicationem latæ sententiæ, si illi fides est, incidimus. Si eas citasse tantum est nefas, quid non peccavit Bacherius hujus Facultatis Doctor, Ordinis FF. Prædicatorum, inter Principes sui temporis Theologos numeratus, qui Censuræ ejusque justificationi subscripsit? Quid non peccavit Thomas Torres, ejusdem Ordinis, quo potissimum agente & actam concipiente, anno hujus seculi 13. se veteri majorum inhære doctrinæ hæc Facultas solemnî decreto declaravit? Quid non peccavit Facultas Duacena, dum instantibus Tholosanis similem declarationem edidit anno 1648. Quid non peccavit ipsa Universitas Tholosana, dum hanc declarationem edere Duacensibus persuasit? Quid non peccavit Thomas Lemos, Thomistarum delicia, cujus potissimum fidem in his citandis secuti sumus? Quid non peccavit Germanus Philalethes à Molinistis tantopere vexatus, & apud Apostolicam Sedem irritò conatû accusatus, qui Censuræ Lovaniensis & Duacensis præcipua capita triumpho suo Thomistarum inferuit? Quid non peccarunt tot præstantissimi Thomistæ usque hodie superstites, qui illum ejus triumphum laudârunt ac probârunt? Si nos in excommunicationem latæ sententiæ incidimus, certè illi non rei judicio, non rei Concilio, sed rei erunt gehennæ ignis. Compariamur quoque Romanis Censoribus, quod nullum ejusmodi periculum in hoc triumpho notarunt, vel si fortè notarunt, indignemur gravissimè quod dissimulaverint. Si verò nullum notarint, gratulemur Adversario nostro, quod illi sit oculatio. Nescio an qui me Herculeæ suæ fortitudinis noluit habere præconem, æquiore animo has congratulationes excipiet. Faciliùs credidero, quod sicuti supra sibi gratulatus est, quod Sorbona sæpiùs etiam sollicitata in nostras descendere partes noluit; ita sibi hic applaudere perget, quod in tot Censorum, qui Thomistarum triumphum laudaverunt, Cathalogo non reperit eum, quem in Belgio inter ceteros venerari debet, ut membrum Prænobile Sacrae Strictæque Facultatis. Audiat, inquit, Eximium P. d'Aubermont, qui tam gloriosè decertavit pro Sede Apostolica & infallibilitate Summi Pontificis. Audiemus ab eo libentissimè, quidquid ad controversiam hæctenus motam pertinet; eruditè interim ridentibus, peterga quædam mutuata fuisse ab Eximio illo Viro, quibus ille Encomiastes suam penuriam solaretur, & conceptam appendicem impleret, dnm controversiæ punctum declinabat. Si augurari licet aliquid, credo quod sua aliquando elogia convertet in satyras, cum intellexerit, quàm sint contraria ejus Thesis Eximii illius patris dogmata. Jucundum erit hic illorum spectare parallelum.

Encomiastes ille in Thesis suis pro Autoritate Innocentii X. & Alexandri VII. secundæ propositionis damnatæ, *interiori gratia* &c. hunc sensum in Jansenio se reperire dicit:

dicie : *in statu naturæ lapsa nulla datur gratia, quæ non sit efficax, quæ ob voluntatis humanæ perviciaciam non sortiatur effectum illum, ad quem efficiendum à Deo datur.* En insignem Encomiastæ, qui virum, quem præ cæteris, ut ait, venerari debeo, condemnat ut hæreticum, quia 14. Martii anno 1668. sustinuit in Conventu suo hanc assertionem Theſi. 25. *Nullum omnino datur auxilium, quin semper sit efficax, & efficiat semper in homine id, quod ei vult Deus; nec ullatenus fieri potest, quod Deus mentem alicujus moveat ad cognoscendum vel volendum, & non sint in ipso hi motus cognitionis & volitionis.* Proposuit quoque nobis sæpius Encomiastæ ille quæstiones varias de gratia sufficiente, de libertate, & possibilitate præceptorum sine gratia, quem aliàs remisimus ad Thomam Lemos, ne illi excideret, quod Thomistarum doctrinam de gratia hominis lapsi propugnandam suscepimus. Verùm quæstiones illas iterum suæ Appendici inferere maluit, quàm Thomæ Lemos subire judicium. Plus fortè laudato à se Eximio Viro deferret, qui, ut inquit, tam gloriôsè pro Sede Apostolica decertavit. Theſim ergò sequentem legat, in qua hæc reperiet : *illas imperfectas motiones ad bonum imperfectum, puta illustrationes intellectus, excitationes voluntatis, cordisve sollicitationes, si intrinseca & actualia auxilia sufficientia quâdam ratione dici contendas, quamvis ultimo & pleno frustrentur effectum, qui inficietur? Quis negare ausus, quin ea peccatoribus non paucis crebriùs impariatur Deus? Sed hæc ista omnibus omnino indiscriminatum hominibus, quantumvis obduratis peccatoribus vel infidelibus, tunc saltem quando credendum vel aliud Dei præceptum adimplendum est, dari divinitus, adedque & obligari Deum ut ea donet, alioquin non peccaturis, quæ auctoritas probat? Quis SS. Patrum docet? Quæ ratio persuadet? Theſi verò 33. luculentè confirmat omnia quæ nos aliàs de gratia per se efficaci diximus, dum sustinet, indubitatum esse, quod gratia habeat suam efficaciam ad convertendum hominum corda ex Dei omnipotentia, & à dominio quod sibi divina Majestas habet in voluntates hominum, sicut & in cætera omnia secundum S. Augustinum. Et dici nullâ ratione potest, quod gratia efficacia solummodo sit desumenda ab aliquo præsupposito seu præviso, bonæ voluntatis consensu. Theſi quoque 23. illud Molinistarum dogma mirè exagitat, sic eruditos omnes interrogans : *possit cupiam adhuc illud verum divinæ gratiæ auxilium videri, & non potiùs ludibrium, qui à Deo dari non vult nisi moraliter hominem excitans, de se penitus indifferens, ad omnem voluntatis creaturam aequaliter flexile, se solo ad exercenda salutis opera absque ulla ulterius speciali efficaciis gratiæ adjutorio planè sufficiens, quod reddere efficax sic sit in libera hominis potestate, ut ei consentire non sit præveniens efficacior & misereantis Dei effectus, sed liber volentis hominis nutus & usus, qui ex se ipso pro ingonita libertatis arbitrio, dum vult auxilio bonè utitur, dum non vult, cassum illud reddit, & inane? Cum perspicuum sit, omne id, quod cum tali auxilio fieri dicitur, noutiquam à Dei gratia, nec per Dei gratiam, sed per solam hominis voluntatem effici.* Eia, Pater Reverende, quid me vis facere? Optas indubiè, ut monitis tuis obsequar; vis ut virum audiam, quem, ut ais, venerari debeo, ut membrum præmobile sacræ strictæque Facultatis. Ecce, permanentem audio, illisque subscribo eadem planè formâ ac modo, quibus me nuper Thomæ Lemos dogmatibus subscribere professus sum. Ne ergo deinceps constitutiones Pontificias opponas nostris de gratia per se efficaci dogmatibus, quæ tutissima ac indubitata sunt illius testimonio, quem tam gloriôsè pro Sede Apostolica certare laudasti. Si per ea libertatem dixeris destrui, vel Pelagianismum induci, ea audies, quæ numquam ego protulissem, nisi omnia te libenter ab illo audire considerem, quem tam præclare laudasti. Hunc ergò tuum scrupulum sic ille evacuat Theſi 40. *Non periculum est libero arbitrio ex gratia Dei, nec voluntas auferatur, cum in ipso bene velle generatur, seu Physicè à Deo causatur. Istud igitur divinæ gratiæ ex se ipsa & intrinseca virtute, antecedenter ad voluntatis humanæ cooperationem efficacissima auxilium Physicè pramovens ejusdem libertatem evertat? Hæc certè nemo SS. Patrum, sed Pelagianorum aliquis dixerit vel Calvinistarum.* Sic undequaque certum est, Eximium illum Virum, quem, ut ais, tantopere debeo venerari, accedere ad illorum Thomistarum*

starum indicem, qui cum Universitate Duacensi, Tolosana, ac tot præstantissimis Religiosis Ordinibus hujus Facultatis de gratia hominis lapsi doctrinam probarunt. Frustrà quoque à Collegiis suis favellere tentat Joannem Baptistam Gonet aliosque, qui vulgatissima Scholæ Thomisticæ dogmata de prædeterminatione Physica secuti sunt, neque vel à Lemos, vel ab Alvarez recessisse probantur. Nobis persuasum est, quod Thomistarum nullus hæresis accusabit eum, qui hominem lapsum gratiâ per se efficaci præmoveri ad bonum agnosceret, gratiamque merè sufficientem Thomisticam admittet eodem planè modo, quo eam Lemos explicat, licet ad statum naturæ integræ similem gratiam per se efficacem non extendat. Mirum est Adversarium Thesi meâ ultimâ tam graviter excitatum, ut vel unum proferret Thomistam, qui hanc doctrinam ab Innocentio X. & Alexandro VII. testaretur esse damnatam, non protulisse hæctenus ullum, ut proinde nobis dubitare non liceat, quin reperire nullo modo poterit. Expendendum illi relinquo, quantum sit nefas imaginarias & confictas è cerebro suo hæreses integerrimis viris affingere.

§. 5.

Quomodo insignis nostra truncatio resarci possit?

Thesi 1. Hist. §. 2. inserui hanc apertam Adversarii nostri confessionem ex appendice ejus tertia Thesi 2. "scimus libenterque fateamur sustineri posse absque omni nota gratiâ physicè prædeterminantem, quam tenent Thomistæ, non rejicientes gratiam merè sufficientem..... Immunis est gratia per se efficax ab omni Censura, ita jubente Pontifice. Comparior viro hic altissimè exclamanti: "O ubi Fides! Quâ fronte mihi verbis meis sic audes imponere? Afferui ego, TALIS GRATIA PER SE EFFICAX (nempe Thomistica physicè prædeterminans) immunis est ab omni Censura &c. Quæ potuit fuisse ratio describenti ex ipsis meis Thesisbus omitendi voculam, TALIS, quæ determinat ad certam speciem, nisi ut indeterminata locutio involveret & gratiam per se efficacem eo sensu, quo eam explessit in suo Augustino Cornelius Jansenius., Nescio quid viro acciderit, cum Theses meas legit, nisi fortè leumens Jansenianos & Bayanos viderit, ac præ timore lectionem abruperit, si enim sequentia legisset, facile advertisset sese timere ubi non est timor, cum post verba citata stat subdiderim: "Sicut aliàs protuli Lovaniensium doctrinam ipsis Fæultatis Theologicæ verbis expressam, ita nunc Thomistarum doctrinam libet exprimere, non conquisitis hinc inde sententiarum laciniis adulteratam, & fortè ex auctoribus quibusdam depromptam, quos Schola Thomistica hodie non recipit, sed ex ipso Thomistarum Principe Thomâ Lemos, cujus doctrinam de gratia per se efficaci ab ævo amplecti Dominicanorum Ordinem ejusdem Ordinis Patres palam professi sunt tam in libello supplici, quam in memoriali Sanctitati suæ nuper exhibitis. Sic ergò gratiam per se efficacem ille definit l. 4. part. 2. tract. 4. c. 12. n. 144. Est auxilium tale, quod ut venit à Deo, independentè ab humana & media præscientia, veras tribuit animæ vires, verè quæ efficit vi & energiâ suâ, ut arbitrium infallibiliter eidem præstet assensum, ita ut per talem efficaciam gratiæ suæ potenter atque suaviter sibi subdat arbitrium, & activè propriè, & verè efficienter sibi faciat consentire. Hæc est propria acceptio hujus vocis, EFFICACIA, dicta de auxilio divinæ gratiæ., Ne verò de gratia physicè prædeterminante quidquam vel dissimulasse vel præteritis viderer, sic illam exposui post eundem auctorem Tract. ante citati n. 192. "Deus efficaci suâ gratiâ movet hominis voluntatem ad actus liberos bonos, non solum interius suadendo, invitando, aut aliter moraliter tantum attrahendo, sed etiam verè & activè propriè efficiendo, salvâ tamen humanâ libertate, talisque efficaciæ gratia convenienter physicè prædeterminare dicitur. Veritas ista brevi compendio universam hanc materiam, & primam ac fundamentale ejus quæstionem & quoad rem & quoad vocem clarissimè comprehendit., His ego nihil addidi, nisi hoc unum, quod nostrum de illa

illa physicè prædeterminante gratia judicium prævenisset Lemos, dum illius recensens vindices scripsit l. supra citati n. 199. quod *Florentissima Academia pari consensu hanc prævenientis gratia divinam efficaciam tradiderunt, ut antiquissima & Doctissima illa Lovaniensis, Eruditissima Duacensis, Sapientissima Parisiensis, & insignis Salmanticensis.* En totam Thesim, in qua, (si Adversario fides) involvi gratiam per se efficacem eo sensu, quo eam expressit in suo Augustino Cornelius Janseus. At quid in ea Thesi de Janzenio, in quâ non aliud reperies, quam hujus Facultatis Doctrinam Clarissimis Thomæ Lemos verbis expressam? Nam & prædeterminationem physicam ejus verbis defini, ejus definitioni Thomistas cæteros subscribere certum est, denique judicium ejus de pari florentissimarum Academicarum in prædeterminantem illam gratiam consensu secutus sum. Certe hinc clarè discimus, quam altè vocem tolleret, si quid cum aliqua veri specie carpere posset, qui futiles nugæ & improbables querelas sic exaggerat. Quid nî & illud notemus, quod doctrinam Thomæ Lemos omninò confundat cum Doctrina Corn. Janseii (quemadmodum & Romæ fecerunt ejus Collegæ) dum me Th. Lemos verbis citatis subscribentem de Janseio notat?

§. 6.

Quid nobis concedat, quæ dissimulet hic Auctor?

Thesi 1. & 2. Hist. Optimam ei præbueram clamandi materiam, si vocem suam volebat exerere. Dixeram omnes Belgii Episcopos, utramque Facultatem, Lovaniensem nempe & Duacensem, tam annis 1587. & 1588. quam 1648. & 1649. omnes Religiosos Ordines, ne Fratribus quidem Minoribus exceptis, Censuræ Lovaniensis probasse doctrinam. Excitaveram quoque viri studium & industriam, ut conquireret ac proferret vel unum Religiosum Ordinem, vel saltem Religiosum unum alicujus notæ Professore Theologum, qui extrâ Societatis Scholas Lessium in Belgio propugnârit, dum ejus doctrina huic Facultati Belgicæ Episcopis displicuit. Cur hic non attollit vocem? Cur non exclamat, *è ubi fides?* Nescio cui persuaderi poterit, quod hæc intacta præteriret, qui voculam, *Talis*, nihil ad rem pertinentem tam graviter suprâ exaggeravit. Unicum ejus refugium est, quod quidam è majoribus nostris antè Lessium hæc in Belgio tradiderint, quos (licet in multis ad has controversias, spectantibus à Lessio discrepent) in plerisque suis dogmatibus Fausti caliditate fuisse deceptos tam certò omnibus alicujus notæ Theologis ante mota inter Lovanienses & Lessium opinionum dissidia persuasum fuit, ut nulla in Academiis Belgicis superscissent illorum dogmatum vestigia. Abdicanda omninò esse illa ab ipsis Thomistis suprâ audimus. Ergo veteres ac plenissimè confutatas suscitavit Lessius querelas, dum ablegato jam pridem hæc dogmata in Belgium invchere, aut si malis, reducere conatus est, repugnantibus Belgii Episcopis, Facultatibus, Religiosis Ordinibus, qui aliter passim omnes imbuti erant. Ne Tolerum quidem vindicare tentavit. Mirabar quoque, si ausus fuisset gloriarî causam Lessii & Molinæ ex Belgio & Hispania Romam fuisse evocatam.

Thomistarum doctrinæ verbis Thomæ Lemos expressè de gratia per se efficaci & merè sufficienti Thomistica subscripsimus §. 2. Confutavimus tricas ac sequelas, quas ex similitudine de imperu sine motu eliciebat. Locum Auctoris alicujus, ac præcipuè Thomistæ proferri petivimus, quo ex Censura hujus propositionis, *interiori gratia in statu naturæ lapsæ nunquam resistitur*, inferret, prædeterminationem physicam ad statum naturæ integræ extendendam esse. Nescio an ad vocem *Talis*, tam altè clamaverit ut ravim contraxerit, neque enim aliàs facîle credam posse ad hæc eum silere. Porrò ut ravim contraxisset, dissimulare saltem non potuit, quod ei impropetavi, intollerabile esse, quod coram frequentissimo auditorum choro, præsentibus Primariis Societatis Patribus, in disputatione & schola eorum publica, justissimè laram in librum suum ab Apost. Sede Censuram Janseianæ factioni Primarius eorum Theologus impudè adscripserit. Si Crœsi Regis Filius à puero mu-

vis perpetui silentii vincula rupit, ut à paterno jugulo hostilem mucronem arceret, debuisset & Auctor noster ravim hanc superare, & naturæ languentem imbecillitatem spernere, ut hanc notam (si quâ veri specie potuit) averteret à Societate sua, quæ sibi præ cæteris Apostolicæ Sedis Auctoritatem vindicare gloriatur.

De libertate amoris beatifici sic loquitur, ut non obscure prodat infirmitatem suam. Circa libertatem ad eliciendos actus Fidei, Spei, & Charitatis, quam in illo quoque adstruximus, qui omni Dei adjutorio destitutus est, veteres quæstiones suas renovat. Nolumus infirmo infirmitatem addere. Ut hanc controversiam amicè terminare possit, neque eadem toties repetere debeat, nihil humaniùs posse fieri arbitramur, quàm ad Eximium illum Thomistam suprâ citatum & elegantissimè ab eo laudatum remittere. Placetne illius judicio acquiescere?

De S. Francisco Salesio illud mihi imponit, quod ut Semi-Pelagianum, & à fide devium cum exploserim, cum tamen Viri Sanctissimi pietatem laudaverim, neque quidquam de ejus doctrina circa prædestinationem ex prævisis meritis dixerim, quin longè graviora dixerit conjunctissimus illi Cardinalis Bellarminus, Delecti ad Aquavivæ Societatis Patres alique §. 7. Th. 2. Hist. citati. Respondendum erat ad ea, quæ ex ipso S. Francisco Salesio protuli, quibus satis apertè fatetur se S. Augustino repugnare. Quo semel admisso, nemo improperare nobis justè poterit, quod in Sanctum illum Virum gravius aliquid dixerimus.

Laudo adversarii consilium, quod Theses in Scholis nostris antè annum 1613. defensas non ampliùs protulerit; vidit enim, quàm id esset futile & indignum.

Cætèrùm cum riserimus hæcenus, ridere pergenus, quod auxilium merè sufficiens Thomisticum nec ipse definire, nec suum de nostra illius definitione communi Thomistarum calculo approbatâ judicium proferre audeat & declarare. Merentur hæc omnia representationem majorem, sed parco viro, quem in ipso Thesi limine lenire ac demulcere promisi. Illud quoque ei gratis planè concedo, quod nihil de hæresi prædestinarianâ hæc vice dicam (quamquam nec ipsummet ignorare credam, quàm bellè in multis vellicari posset) ut in principalem quæstionem enodandam circa concordiam Scholæ Lovaniensium cum Thomistica in materia de gratia hominis lapsi totus incumbere possit.

§. 7.

Quid à Summo Pontifice, quid à Rege Catholica nobis timendum?

SI exaggerare luberet, quæ Auctor ille nobis imponit, quàm id possemus justius? Sed firmiter statui cum viro agere benignius; quanquam illud præteriri non possit, quod in ipso appendicis limine mihi assignit: *proposueram, inquit ille. Thesibus meis superrimis doctrinam horum auctorum, qui me oppugnant, Sedi Apostolica. ut ipsa, quæ est Magistra fidelium omnium, & ad quam spectat dirimere controversias inter eos exortas, de ea judicet, suspendendo interim omne judicium nostrum. Egrè id habet Auctorem-illum. Quid si ego hic exclamarem; ô ubi fides! Quâ fronte mihi sic audes imponere?* Absit à viris piis, absit à me hoc deslere, quod Apostolicæ Sedi controversia proponatur. Alienum, id est, à mente hujus Facultatis, quæ non ita pridem Scholæ nostræ dogmata Apostolicæ Sedis judicio liberrimè subjecit, Romæ per integrum biennium stantibus in acie ejus Deputatis, qui oblatam Apostolicæ Sedi doctrinam contra ejus æmulos tuerentur, donec tandem Apostolicâ auctoritate causa terminaretur. Excussa fuerunt omnia diligentissimè, ac tandem Lovaniensium doctrina evasis illæsa, dum 65. laxioris Theologiæ Articuli proscribuntur, aliique ejusdem farinae parem fortunam expectant.

Adcò me ægrè non habet, quod ad Sedem Apostolicam referatur hæc controversia, ut exulta-

exultaverim vel maxime, Patres Societatis Romæ existentes causam hanc contrà Thomam Lemos tractare cæpisse, ac palam professus sim me, qui ejus doctrinæ de gratia hominis lapsi subscripseram, humillimè præstolari velle Sedis Apostolicæ sententiam, & causâ cafurum, si ejus doctrina Patrum Societatis memoriali accusata reprobetur.

Fatebor equidem ingenuè displicuisse mihi non parum, quod tanto tribunali nec satis candidè nec satis nervosè proponeretur ab Adversario controversiæ status; quem idè quoque amicè monui, ut huic deinceps labori parceret, cum eadem omnia fortiùs nervosiusque Collegæ ejus Romani contrà P. Lemos urfissent. Aliorum erit censere, quid hic peccaverim in Apostolicam Sedem, de qua illud piè præsumo, quod illorum moderabitur audaciam, qui Thomæ Lemos doctrinam de hæresi inverecundè notârunt. Experti jam sunt alii, quàm graviter eidem Cathedræ displicuit hæc assertio: *Quisquis gratiam efficacem ita necessariam existimas, ut sine ea opus bonum fieri, aut tentatio superari non possit, agnascas te cum eodem (Jansenio) impio, blasphemè & hæreticè sentire.* Illud quoque non parum nobis displicuit, quod apud Clementissimum Regem nostrum tot præstantissimi ordines de hæresi Janseniana notentur; quod hæc Schola Lovaniensis eam tantùm tradens doctrinam, quam & Pater Annatus & Thomistæ omnes sanam censent & Orthodoxam, Molinistarum tamen Censuras evadere nequeat. Tolerabilius esset id ipsum, nisi damnatis propositionibus sensus parergos affingerent, de quibus nullum hæctenus alicujus notæ auctorem cogitasse meminimos.

Obtulimus jam pridem, ac etiamnum offerimus nostram à propositionibus damnatis doctrinam fecernere, si modò in determinando illarum sensu Molinistæ & Thomistæ conveniant. Nos interim, ne cuiquam possit fides nostra suspecta videri, profitemur, quod articulos omnes in materia de gratia damnatos eodem planè modò sensuque damnemus ac reprobemus, quo universa Schola Thomistica eos damnat & reprobat.

Intellexerunt Innoc. X. & Alexander VII. doctrinam hujus Scholæ suis constitutionibus non repugnare, postquam & publicis programmatis & privatis litteris apertè professæ est hæc Facultas, se & Pontificum illorum decreta recipere, & doctrinæ à majoribus nostris in Censura & justificatione ejus traditæ coram Apostolica Sede professæ est inherere. Hæc nos laudamus, hæc modis omnibus prædicamus; cumque rei hic gestæ seriem dissertationum nuperarum Auctor ignorare videatur, Thesi Historico-theologica exponere aliquando poterimus, quid hæc Facultas sub Innocentio X. & Alexandro VII. quid insuper præstantissimi Galliæ Episcopi sub Clemente IX. præstiterint, è quibus faciliè intelliget, eos nihil in Apostolicam Sedem peccasse, sed ejus Devotissimos fuisse Filios, ac dignos qui post mortem ab ipsa Apostolica Sede honorificè commendarentur. Controversiam ergo præsentem de concordia Scholæ Lovaniensis & Thomisticæ de gratia hominis lapsi terminare quantocyùs nitatur Adversarius, quia mihi propositum non est novam ordiri materiam, nisi huic quæstioni imposuero coronidem.

Scio quid ille spectet. Fidei professionem à nobis exigat, quam postèa sarcasmo excipiat; & qui nos hæctenus dixere hæreticos, mendaces insuper nos dicere pari fronte pergant. Tam diu id eis licebit, quamdiu effrænis illa non coercetur audacia, quâ quos volunt hæreticos, quos volunt, faciunt orthodoxos, semper novos pro nutu suo sine ullo auctore propositionum sensus fabricantes.

Promittit Auctor ille nobis pacem, si gratiam per se efficacem & sufficientem, quam cum Patre Lemos admisimus homini lapso esse necessariam, ad statum naturæ integræ extendamus. Quasi ignoraret, Germanum Philalethem, applaudentibus utriusque Belgicæ Universitatis præcipuis Thomistis siscam extendisse. Et quamquam frustrà tentârint Molinistæ reum illum agere violatæ Constitutionis Innocentii X. & Alexandri VII. pergunt tamen carpere Auctorem, quem Apostolica Sedes non notavit, adè ut in memoriali Hispanico totum quoque ejus Ordinem in Jansenismi suspicionem trahant, sic de illo scribentes:

tes: